

## S E C T I O I.

*De mente humana.*

Ræclarissimam ferunt veteris cuiusdam sapientis sententiam : *Nosce te ipsum*. Et re quidem vera , quid prodesse nobis possunt sublimiores scientiæ, si nosmetipso ignoramus, si nesciamus quid sit anima nostra, an spiritualis & immortalis, quodnam inter ipsam & corpus commercium intercedat, quæ sint illius facultates ? Hæ autem cognitiones omnes quid nobis prosunt, si animam ipsam perdamus, si ad veram immortalitatem, æternam scilicet beatitudinem consequendam nostris facultatibus non utamur ? Hinc patet tota præstantissimi argumenti divisio . Quæ ad humanam mentem pertinent, sub triplici potissimum ratione considerari possunt ; vel enim mens humana in se & absolute spectatur, vel in ordine ad corpus , vel tandem mentis humanae facultates aliquæ considerantur .

## C A P U T I.

*De Mente humana in se spectata.*

DUO potissimum inquirenda occurunt . Primum an mens humana sit spiritualis & a corpore distincta . Secundum an sit immortalis .